




**ՅԱՎԱԿՑԱԿԱՆ ԳՐՈՒԹՅՈՒՆՆԵՐ ԼԻՖԱՆԱՆԱՀԱՅՈՒԹՅԱՆԸ
ՊԱՏԱՀԱԾ ԱՂԵՏՆԵՐԻ ԱՌԹԻՎ**

**ՆՈՐԻՆ ՍՐԲՈՒԹՅՈՒՆ ՀՈՎՀԱՆՆԵՍ-ՊՈՂՈՍ Բ ՊԱՊԻ
ՊԱՏԱՍԽԱՆ ՀԵՌԱԳԻՐԸ՝ ՈՒՂՎԱԾ ԱՄԵՆԱՅՆ ՀԱՅՈՑ ԿԱԹՈՂԻԿՈՍ
Տ. Տ. ՎԱԶԳԵՆ Ա ՀԱՅՐԱՊԵՏԻՆ**

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա-ԻՆ,
ԾԱՅՐԱԳՈՒՅՆ ՊԱՏՐԻԱՐԶ ԵՎ ԿԱԹՈՂԻԿՈՍԻՆ ԱՄԵՆԱՅՆ ՀԱՅՈՑ

Ս. Էջմիածին

Վատահեցնում եմ Ձերդ Սրբությանը, որ ես մշտապես հետևում եմ Լի-
բանանում իրադրության զարգացմանը և որոնում պատշաճ բոլոր միջոցնե-
րը, որոնցով հնարավոր կլինեք նպաստել խաղաղության և համաձայնու-
թյան վերահաստատմանը նախ և առաջ քրիստոնյա համայնքների միջև:

Հրահանգել եմ մեր օգնության մարմիններին, որպեսզի իրենց կարելին
ի գործ դնեն՝ օգնելու համար այդ իրադարձությունների բոլոր զոհերին ա-
ռանց բացառության:

Միանում եմ Ձեզ Տիրոջն ուղղված Ձեր աղոթքների մեջ. նա՛ միայն
կարող է վերահաստատել ճշմարիտ խաղաղությունը:

Եղբայրական սիրով ի Քրիստոս՝

ՊԱՊ ՀՈՎՀԱՆՆԵՍ-ՊՈՂՈՍ Բ

Վատիկան,
8 դեկտեմբերի 1978 թ.

**ՄՈՍԿՎԱՅԻ ԵՎ ՀԱՄԱՅՆ ՌՈՒՍԱՍՏԱՆԻ ՊԱՏՐԻԱՐԺ, ՆՈՐԻՆ
ՍՐԲՈՒԹՅՈՒՆ ՊԻՄԵՆԻ ՊԱՏԱՍԽԱՆ ՆԱՄԱԿԸ ԱՄԵՆԱՅՆ ՀԱՅՈՑ
ՎԵՀԱՓԱՌ ՀԱՅՐԱՊԵՏԻՆ**

**ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա.
ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ**

Ս. Էջմիածին

Ձերդ Սրբություն, թանկագին և Սրբազան Եղբայր ի Քրիստոս,
Ստացել ենք Ձեր 23 նոյեմբեր 1978 թվակիր նամակը:

Այսու եղբայրաբար հայտնում ենք Ձերդ Սրբությանը, որ Մենք բաժա-
նում ենք Ձեր մտահոգություններն ու անհանգստությունը՝ Լիբանանի եղ-
բայրասպան կոիվների ընթացքում տեղի հայ բնակչության կրած տառա-
պանքների առթիվ:

Մենք համամիտ ենք Ձեզ հետ և անկեղծորեն ցավում ենք, որ գեղեցիկ
Լիբանանը արյունահեղ մարտերի թատերաբեմ դարձավ, և որ առաջին հեր-
թին տառապում են խաղաղ և անմեղ մարդիկ՝ քրիստոնյա հայ ժողովրդի
զավակները:

Լիբանանի հայ ազգաբնակչության մկատմամբ գործադրվող գազանու-
թյունների, ճնշումների և անգութ հալածանքների մասին եղած հաղորդում-
ները Մեզ ցնցեցին, մանավանդ, երբ հայտնի դարձավ, որ այդ ամենը կա-
տարվում է զուտ այն պատճառով, որ հայերը կամեցել են չեզոք դիրք գրա-
վել և դրանով իսկ զոհ են դարձել երկրում տեղի ունեցող երկապառակու-
թյուններին:

Մենք չեղմորեն աղոթում ենք առ ամենակալն Աստված, որ խաղաղվեն
կովող կողմերը, և Տերը գթա անմեղորեն տառապող հայ ժողովրդին: Մենք
հավատում ենք, որ արդարությունը կհաղթանակի, կամայականությունները
կվերանան, և տանջված հայ ժողովուրդը կբուժի իր ծանր վերքերը, որոնք
նրան բազմիցս բաժին են ընկել նրա բազմադարյան պատմության ընթաց-
քում: Մենք հավատում ենք, որ կգա ցանկալի խաղաղությունն ու բարօրու-
թյունը Լիբանանի համար:

Մենք անդադրում պիտի աղոթենք, որպեսզի շուտ հասնի այդ լուսա-
վոր և ցանկալի ժամը, և մինչ այդ ցույց պիտի տանք Ձերդ Սրբությանը
բարոյական և այլ տեսակի ամեն օժանդակություն:

Սույն Մեր գրությամբ կամենում ենք հայտնել Ձեզ, որ փոխանցում ենք
Ձեր անվանը քսանհինգ հազար ութի՝ հօգուտ Լիբանանի աղետյալ հայ
համայնքի, որպես Մեր եղբայրական մասնակցությունը՝ կամայականություն-
ների զոհ դարձածների օժանդակության գործին: Թող ոռու պրավոսլավ
եկեղեցու համետու լուսնն ծառայի անմեղ տառապյալների կացության թե-
թևացմանն ու նրանց մխիթարմանը՝ բազմաշարժար Լիբանանի խանգար-
ված խաղաղ կյանքի վերահաստատման պայմաններում:

Մեկ անգամ ևս արտահայտում ենք Ձերդ Սրբությանը Մեր եղբայրա-
կան համերաշխությունը և հավաստիացնում, որ անշեղորեն պիտի հետա-
պընդենք խաղաղության, արդարության և աշխարհի ժողովուրդների միջև
իսկական բարեկամության համար մղվող պայքարը:

Սրտագին բարեմաղթություններով հայտնում ենք Տիրոջ ողորմությունն ու առատաձեռն օգնականությունը Ձեր մարդասիրական ծառայությունների համար ու մնում միշտ անփոփոխ սիրով ի Քրիստոս՝

ՊԻՄԵՆ

ՊԱՏՐԻԱՐԷ ՄՈՍԿՎԱՅԻ ԵՎ ՀԱՄԱՅՆ ՌՈՒՄԻՈ

Մոսկվա,

7 դեկտեմբերի 1978 թ.

ՀԱՄԱՅՆ ՎՐԱՍՏԱՆԻ ՆՈՐԻՆ ՍՐԲՈՒԹՅՈՒՆ ԻԼԻԱ Բ ՊԱՏՐԻԱՐԷ-ԿԱԹՈՂԻԿՈՍԻ ՀԵՌԱԳԻՐԸ ՀԱՅՈՑ ՀԱՅՐԱՊԵՏԻՆ

ՆՈՐԻՆ ՍՐԲՈՒԹՅՈՒՆ Տ. Տ. ՎԱԶԳԵՆ Ա.
ԾԱՅՐԱԳՈՒԹՅՆ ՊԱՏՐԻԱՐԷ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին

Ձերդ Սրբություն, թանկագին և սիրեցյալ Եղբայր ի Քրիստոս,
Լիբանանում տեղի ունեցող ողբերգական դեպքերի կապակցությամբ, որոնք կատարվում են հայ բնակչության հանդեպ աջ քրիստոնեական տարրերի կողմից ահաբեկչական գործողություններով, վրաց ուղղափառ եկեղեցու և իմ անումից հայտնում ենք Ձերդ Սրբությանը և եղբայրական հայ ժողովրդին մեր խորին կարեկցանքը:

Այս կապակցությամբ մեր կողմից հեռագիր է հղված Եկեղեցիների համաշխարհային խորհրդի գլխավոր քարտուղար դոկտ. Ֆիլիպ Փոթըրին՝ խնդրելով, որպեսզի շտապ միջոցներ ձեռնարկվեն՝ Լիբանանի հայ բնակչության նկատմամբ գործադրվող բռնությունները դադարեցնելու:

Այսօր մենք պաշտոնական Հայտարարություն տվեցինք մամուլին՝ արտահայտելով մեր զայրույթը կատարված դեպքերի առթիվ և կոչ արեցինք բարի կամքի տեր բոլոր մարդկանց՝ բողոքի ձայն բարձրացնելու հակամարդասիրական այդ գործողությունների դեմ:

Եղբայրական սիրով ի Քրիստոս՝

ԻԼԻԱ Բ

ՊԱՏՐԻԱՐԷ-ԿԱԹՈՂԻԿՈՍ ՀԱՄԱՅՆ ՎՐԱՍՏԱՆԻ

Թբիլիսի,

28 նոյեմբերի 1978 թ.

